

世家

殺案

明宗

卷九十一下

二十三年一建國


高麗史

十

卷九十一下

其六十七







世家卷第十九

高麗史十

正憲矣曹判書集賢殿大提學知經筵春秋館事兼成均大司成臣鄭麟趾奉

教修

毅宗三

丑巳

二十三年春正月戊午朔王受朝賀代製臣僚賀正表宣示宰樞近侍國學文臣於是禁內六官文臣等奉表賀御製主喜賜酒果以行頭直翰林院田致儒屬內侍大學官又六管學生與中朝制科者各上表稱賀賜酒



醺 辛未燃燈王如奉恩寺 丁丑設消災

道場於宣慶殿 己卯醺二十八宿又醺北

斗 甲申設二十七位醺於奉元殿天帝釋

道場於修文殿七日 乙酉移御楊堤洞離

宮 丁亥幸奉香里離宮宴群臣仍賜宋商

及日本國所進玩物 二月乙未幸喜美亭

醺十一曜二十八宿於內殿 戊戌宴群臣

庚子夜移御選地書齋 丁未幸念賢寺

己酉移御順和齋 醺十一曜南北斗二



十八宿十二宮神於修文殿 癸丑移御館  
北宮 乙卯設三界醮時齋醮之費寔繁都  
祭都齋二庫未支其用又立館北奉香泉洞  
三宮各置負僚徵求諸道轉輸三宮者絡繹  
於道民皆愁嘆內侍劉邦義奏得文李竦金  
應和金存偉鄭仲壺希胤魏綽然等深結官  
寺約爲兄弟以剝民媚主爲事創寺繪佛設  
齋祝聖又制別貢金銀鍮銅器皿山積由是  
得幸不次除官任言責者皆阿上意無一直



諫者 三月己未王以巡御西都親製疏文  
設羅漢齋于山呼亭 辛酉醮太一十一曜  
南北斗十二宮神於內殿 乙丑幸西京  
戊辰駐駕平州泛舟崇壽院南池夜宴扈從  
臣僚 乙亥至西京 己卯幸永明寺泛龍  
船於大同江置酒遂御浮碧樓 庚辰幸九  
梯宮 壬午自永明寺泛舟至洪福寺遂幸  
仁王寺 癸未幸八景亭觀水戲 乙酉發  
西京 夏四月辛卯雩自正月不雨至于是



# 毅宗

月 庚子駕至涇江龍瑞亭乘舟置酒 癸  
卯還京都赦二罪以下 詔加所歷名山大  
川神祇號鰥寡孤獨篤廢疾及義夫節婦孝  
子順孫並賜物扈從文武負吏加次第同正  
職其餘雜項賜物有差 五月乙丑出御晉  
賢院 己巳移御慈孝寺 辛未幸皇樂亭  
遂幸長湍 乙酉還館北宮 六月丙戌朔  
王如奉恩寺 乙未宴寧樞侍臣于延福亭  
移御玄化寺 秋七月乙卯朔幸歸法寺移



御安和寺

辛酉將幸碧岑亭御史臺伏閣

論離宮行幸之繁與按察察訪枉法之事皆

不聽丙寅移御尚書右丞金光中第金

遣橫賜使符寶郎徒單懷貞來賜羔二千

八月甲寅朔日食己亥移御普賢院十

一月甲戌金遣大府監馬貴忠來賀生辰

庚辰宴金使于仁恩館十二月壬午朔中

書侍郎平章事金永胤卒庚子王還館比

宮以許洪林爲中書侍郎平章事判尚書



庚寅

吏部事李光縉試兵部尚書尹鱗瞻爲右諫  
議大夫金起莘爲侍御史知製誥朴允恭爲  
殿中侍御史

二十四年春正月壬子朔王受賀於大觀殿  
親製臣僚賀表宣示群臣表曰三陽應序萬  
物惟新玉殿春回龍顏慶洽體一元而敷惠  
歛諸福以大和是大人道長之初乃陽德氣  
萌之始恭惟陛下重高之聖括疊舜之聰明  
百福是叢新又新而不息天齡更固月復月



以無期仁洽道豐微一物不獲其所修文偃  
武實萬世無疆之休適當交泰之時益篤方  
來之慶擁神休於北闕保國壽於南山玉帛  
爭來萬邦預駿奔之列梯航畢集四方無後  
至之人受賀良辰倍鍾純嘏况今以萬機之  
暇修三接之勤樂與詞臣垂文章四六之盛  
作天臨密席講詩書經史之妙文自北使上  
壽而致辭日域獻寶而稱帝常有天神之密  
助每加福慶以川增開丕世之新祥接王者



之一統臣鄰歸美史冊有光生民已來今日  
無對臣等遭逢盛世涵泳明時仰瞻萬乘之  
威趨詣北辰之所六樂九奏雖一比簡子之  
遊萬歲三呼胡不祝漢皇之壽百官表賀是  
日御奉元殿講書益稷丙寅燃燈王如奉  
恩寺已卯王如靈通寺設華嚴會親製佛  
疏宣示文臣百官表賀辛巳還宮命諸王  
結綵幕於廣化門左右廊管絃房大樂署結  
綵棚陳百戲迎駕皆飾以金銀珠玉錦繡羅



綺珊瑚玳瑁奇巧奢麗前古無比國子學官  
率學生獻歌謠王駐輦觀樂至三更乃入闕  
承宣金敦中盧永醇林宗植饗王于奉元殿  
王歡甚達曉而罷 大原公倬卒 二月壬  
辰以中書侍郎平章事許洪材知門下省事  
崔溫判中軍兵馬事同知樞密院事徐醇樞  
密院副使李光縉爲中軍兵馬使 甲辰幸  
延福亭召許洪材知御史臺事卒復基起居  
注韓賴等泛舟宴樂竟日遂御和平齋



申狼星見于南極西海道按廉使朴純嘏以  
爲老人星馳驛以聞 辛亥王如靈通寺  
三月乙卯移御延福亭 丁巳王欲遊西江  
夢有一婦人立門告曰王若遊西江必待五  
月王覺而乃止 庚申與許洪材李復基韓  
賴金敦中等泛舟曲宴壬戌亦如之乙丑又  
宴于舟中夜半幸玄化寺道遇大雨馳馬而  
至 己巳遣知門下省事崔溫祭西京老人  
堂右副承宣林宗植祭老人星于海州床山



凡內外有老人堂皆遣使祭之 夏四月辛

巳朔親醺老人星于內殿 甲申忠州牧副

使崔光鈞奏前月二十八日祭老人星于竹

杖寺其夕壽星見至三獻乃設三大喜百官

稱賀 壬辰幸延福亭宴侍臣于舟中夜半

乃罷 丙申禁內六官文臣表賀壽星再見

賜酒果 乙巳以壽星再見命太子醺于福

源宮平章事許洪材醺于賞春亭左承宣金

敦中祭于忠州竹杖寺 王欲親醺老人星



命判禮賓省事金于蕃郎中陳力升構堂於  
真觀寺南麓又立別恩祈所造金銀花及金  
玉器皿 戊申幸和平齋 五月辛亥朔宴  
文臣于和平齋唱和至夜命內侍黃文莊執  
筆以書群臣稱贊聖德謂之大平好文之主  
戊辰幸延福亭夜泛舟宴侍臣庚午亦如  
之 丁丑移御念賢寺 閏月辛巳王如奉  
恩寺還御延福亭夜宴侍臣 癸未命內侍  
殿中監金闈設宴于延福亭與宰樞承宣臺



諫乘戶酣宴徹夜不止翼日群臣皆大醉摘  
花滿帽倒載而退 丁亥王還宮以壽星再  
見將受賀也 庚寅御大觀殿受朝賀仍宴  
文武常叅官以上王親製樂章五首命工歌  
之結綵棚陳百戲至夜乃罷賜赴宴官馬各  
一匹是夜又與韓頴李復基曲宴便殿特賜  
紅鞵犀帶以示寵異 壬辰幸延福亭群臣  
皆占所見之物爲嘉瑞蓬艾三莖生於亭以  
爲瑞草內侍黃文莊見水鳥指爲玄鶴作詩



讚之王稱嘆良父乃自製詩以和之思欲直  
拜正言以爲年少改爲國子博士直翰林院  
丙申王孫生王喜欲遣使告于金即命同  
文院移牒以待金國指揮金主聞之曰彼國  
誕得繼孫良爲慶事欲申告謝已識忠勤不  
煩遠遣使來事遂寢 丙午曲宴于舟中

六月庚戌朔延福亭南川堤決命復塞之戊  
午詔田軍卒力竭不能堤防宜發丁坊里築  
之開水門四五所創亭堤上植以奇花異木



癸酉移御普賢院

秋七月己卯朔日食

庚辰與許洪材李復基韓賴等泛舟于普

賢院南溪置酒唱和壬午又曲宴甲申李

復基私獻服玩及酒肉脯果夜王泛舟宴宰

樞侍臣顧謂復基曰愛君之忠誰復如卿之

酉亦如之甲午以許洪材爲門下侍郎同

平章事崔溫叅知政事李光縉同知樞密院

事梁純精爲樞密院副使左遷知樞密院事

徐淳爲尚書左僕射判秘書省事淳質直無



華不求媚左右爲李復基所短故也夜泛舟  
與洪材及諸侍臣曲宴 八月戊申朔延福  
亭南川堤又決大發卒塞之怨咨盈路 戊  
午幸東江書齋 永州民耕田得金一錠長  
二寸許頭尾雙尖狀如龜知州事吳錄之取  
以馳獻王以示左右左右呼萬歲曰天降金  
龜聖德之應群臣皆賀 丙子王自延福亭  
如興王寺 丁丑王將幸普賢院至五門前  
召侍臣行酒酒酣顧左右曰壯哉此地可以



練肄兵法命武臣爲五兵手搏戲至昏駕近  
普賢院李高與李義方先行矯旨集巡檢軍  
王纔入院門群臣將退高等殺林宗植李復  
基韓賴凡扈從文官及大小臣僚官寺皆遇  
害又殺在京文臣五十餘人鄭仲夫等以王  
還宮九月戊寅朔時王入康安殿仲夫  
等又索隨駕內侍十餘人宦官十人殺之王  
坐修文殿飲酒自若使伶官奏樂夜半乃寢  
李高蔡元欲弑王梁淑止之巡檢軍穿破窗



壁竊內帑珍寶仲夫逼王遷于軍器監太子  
于迎恩館 已卯王單騎遜于巨濟縣放太  
子于珍島縣 是日仲夫義方高等領兵迎  
王弟翼陽公皓即位明宗三年八月金甫當  
遣人奉王出居雞林十月庚申李義旼弑王  
于坤元寺北淵上壽四十七在位二十五年  
遜位三年謚曰莊孝廟號毅宗陵曰禧陵高  
宗四十年加謚剛果

史臣金良鏡贊曰昔唐明宗時大理少卿康



澄上疏言時事曰爲國家者有不足懼者五  
深可畏者六三辰失行不足懼天象變見不  
足懼小人訛言不足懼山崩川竭不足懼水  
旱虫蝗不足懼賢士藏匿深可畏廉恥道喪  
深可畏上下相徇深可畏毀譽亂真深可畏  
直言不聞深可畏歐陽公記此言曰凡爲國  
家者可不戒哉有是哉斯言也夫王崇奉佛  
法敬信神祇別立經色威儀色祈恩色大醮  
色齋醮之費徵歛無度區區事佛事神而茲



諛者李復基林宗植韓賴爲左右檢壬若鄭  
誠王光就白子端爲內宦阿曲若榮儀金子  
幾爲術士所幸璧妻無比主於內希意導志  
更相妖媚利口紛騰讜言踈絕變生輦轂之  
閒而卒莫之知也此豈懼其所不懼不畏其  
所畏之然耶且禍亂之初無一人效死尤可  
嘆也

明宗一

明宗光孝大王諱皓字之旦舊諱昕仁宗第



三子毅宗母弟仁宗九年辛亥十月庚辰生  
毅宗二年封翼陽侯二十四年九月己卯鄭  
仲夫等逐毅宗領兵迎王即位于大觀殿前  
王信圖讖之說忌諸弟王之在潛邸也典籤  
崔汝諧嘗夢太祖授芴於王王受而坐龍床  
汝諧與百官陳賀覺而奇之以告王王曰慎  
勿復言此大事也上聞之必害我矣至是果  
驗王御修文殿李俊儀鄭仲夫李義方李  
高侍從釋文克謙命書批目以任克忠爲中



書侍郎平章事鄭仲夫盧永醇梁淑叅知政  
事韓就爲樞密院使尹鱗瞻知樞密院事金  
成美爲僕射金闡爲樞密院副使李俊儀爲  
左承宣給事中文克謙爲右承宣御史中丞  
李紹膺爲左散騎常侍李高爲大將軍衛尉  
卿李義方爲大將軍殿中監高義方皆兼執  
奏奇卓成爲御史臺事蔡元爲將軍其餘武  
夫超資越序職兼華要者不可勝數 癸未  
群臣請大觀殿賀即位 冬十月庚戌大赦



以鄭仲夫李義方李高爲壁上功臣圖形閣  
上梁淑蔡元次之加朝臣爵一級召還金貽  
永李綽升鄭敘等皆復職田以盡雞流矢之  
事流竄者皆令赴京遣工部郎中庾應圭  
賁表如金前王表曰臣久纏疾急漸致衰羸  
襟靈以之昏荒氣力以之消沮醫攻熨而莫  
效藥瞑眩而不瘳豎居膏肓天奪魂魄以之  
祗服前人之訓言率先列國之貢藝而乃民  
政堆案而或廢於剖決國賓踵門而或失於



將迎爲邦之道旣隨事主之儀多闕今則伏  
在床枕幾委體支仰緊覆露之私深念播舊  
之業臣昔逮事臣父先國王嘗屬臣云苟有  
遞代必先弟及今臣有元子泓少而無慧長  
且多愆未堪主鬯以展勤矧復奉藩而受職  
竊見臣弟皓忠順之德夙勤於君親睦恭之  
心無懈於朝夕載嘉淑行之如始益體理命  
之有徵乃於某月某日以臣弟臣皓權守軍  
國事務敢茲上聞冀照下懇新王表曰覆燾



之仁靡私於一物聖神之德均視於萬邦恪  
布忱辭冒干洪造伏見臣兄國王臣曉夕尊  
周室樂率漢藩緣感疾於中身遂抱羸於積  
稔十全不能措其手一丸豈復效其靈沈縣  
浸深頓仆是懼頃因脫釋於重負始欲保守  
於餘年盖由承稟臣先國王臣曉遺屬以臣  
忝爲同母之親可付先祊之業於某月某日  
令臣權守軍國事務而臣避之無計受亦誠  
難將籲呼以上聞顧跋涉之愈遠又黎庶不



癸辛

可以無主保釐不可以闕人勉副群情假司  
分寄戰兢之抱莫敢違寧危慄之懷幾至殞  
越敢具事實以達宸嚴 金遼大宗正丞耶  
律紀來賀生辰紀至境邊吏以前王讓位却  
之

元年春正月元子壽冠 五月甲申設消災  
道場于宣慶殿五日 己丑庾應主還自金  
帝迴詔不允前王讓位曰卿襲封二紀作屏  
一邦近者屢愆信使之期徒有郵書之報向



深憂乎變故今始闕于封章稱疾疹之淹延  
懼保釐之曠闕述其父命之遺囑欲以第及  
而相傳付之伊人攝以國事卿言雖順朕意  
未寧續遣使駢往詢厥事 辛卯賜林遂等  
及第 六月甲辰朔王如奉恩寺 戊午王  
受菩薩戒于大觀殿 秋七月辛巳設消災  
道場于大觀殿三日 癸未金詢問使完顏  
靖等來 甲申設拂塵宴丙戌設初叅宴靖  
皆不赴 己丑王迎詔于大觀殿乃賜前五



詔也詔曰卿撫有爾邦踐修世美及當茲歲  
付上封章告厥疾已曠於保釐謂其子不能  
於負荷述前人之遺囑讓母弟而相傳尚憂  
未出於誠心是用往頒於詔問使駢來復奏  
牘宜詳 壬辰平章事徐恭卒 八月甲辰  
完顏靖辭宴于大觀殿靖之初詢問也王稱  
前王已避位出居他所病加無預不能就位  
拜命路又險遠非使者所宜往靖以故不得  
見前王王乃具前王表以附丁未靖行 九



月癸未以僧德素爲主師 戊子左諫議金  
莘尹右諫議金甫當左散騎常侍李紹膺左  
司諫李應招右正言崔譔等上疏以爲前朝  
宰相崔允儀諫議李元膺中丞吳中正等胥  
宦官鄭誠告身西海按察使朴純古妄奏老  
人星鬼知永州事吳錄之妄獻金龜之瑞請  
皆禁錮子孫且承宣王之喉舌但出納惟允  
可也今李俊儀文克謙職兼臺省居中用事  
請解兼官王從之唯俊儀克謙之事不允置



日諫官伏閣力爭俊儀因醉使巡檢軍陵辱  
之王聞之召俊儀慰解因諫官于隍城庚寅  
左遷金華尹判大府事金甫當爲工部侍郎  
李應招爲禮部貲外郎崔讜爲殿中內給事  
改李俊儀爲衛尉少卿文克謙爲大府少卿  
辛卯日有黑子大如桃 冬十月甲辰設  
百高座于宣慶殿讀仁王經 乙巳飯僧三  
萬 平章事任奎卒 壬子夜宮闕災諸寺  
僧徒及府衛軍人詣闕將救火鄭仲夫李俊



儀等入直義方兄弟恐有變走入子內閉紫  
城門不納諸救火者故殿宇悉火王出山呼  
亭痛哭 癸丑移御壽昌宮 丁巳以王生  
日爲乾興節 戊午日有黑子大如桃 是  
歲遣告奏使禮部侍郎張翼明都部署黃公  
遇如金

二年春正月庚午朔謁景靈殿 庚辰以鄭  
仲夫爲西北面兵馬判事行營兵馬兼中軍  
兵馬判事金闡爲西北面兵馬使行營兼中



軍兵馬使尹鱗瞻爲東北面兵馬判事行營  
兵馬兼中軍兵馬判事陳俊爲東北面兵馬  
使行營兼中軍兵馬使 二月己酉張翼明  
黃公遇還自金勅曰卿逖居侯土望重邦人  
固常公耳以爲心適會友于之遘疾累封章  
而數奏述遜讓之由來攝位從宜投誠有請  
意欲承家而保國義當垂詔以加恩肆因使  
价之還姑用俞音之布續當遣使冊命 癸  
丑燃燈王如奉恩寺 有司請依太祖舊制



以二月望燃燈王重違其請從之明年復用上元三月己巳朔王如靈通寺謁世祖大祖仁宗真乙亥移御大明宮辛巳遣尚書右丞李文著侍郎崔誦如金賀上尊號夏五月壬申金遣太府監上輕車都尉烏古論仲榮翰林直學士張享來冊王壬午王出昇平門迎詔受冊于大觀殿冊曰崇德象賢若稽于古承家開國以正其功粵惟表海之舊封未艾如川之多祚所從來遠雖子孫勿



替其傳惟不于常有兄弟相及之道世將  
是享德人亦宜無間言爰契師虞往敷天寵  
咨爾皓遠大以爲任賢明而自將地處彼邦  
之懿親才雄爾衆之今望繫乃祖乃父實維  
藩維垣前烈用弘嗣賢不乏蓋根深則枝茂  
積厚者流光餘慶曷歸汝躬是在屬友于之  
疾其殆不瘳推公耳之心自爲克讓申以敷  
奏達于聽聞是用成斯美於天倫代厥後于  
先正今遣使命爾爲開府儀同三司高麗國



王永爲藩輔於戲社稷既有所受德業莫或不勤律乃邦民謹爾侯度禍福惟人所召切戒于淫佚驕邪夙夜畏天之威庶可以安寧長久罔曰不克惟既厥心往哉惟休無替朕命又詔曰朕位乎天地之中託于侯王之上兄來洛來茹皆釐爾成于維藩維垣固懷以德卿今圖經遠雅望得民以介第之懿親萬前人之餘烈恭承友讓迓續世封宜膺蕃錫之恩永對榮懷之慶今差某官某等往彼冊



命仍賜卿衣帶鞍馬匹段等物具如別錄至  
可領也九旒冕一頂九章服一副玉圭一面  
玉冊一副金印一面駝紐象輅一馬四匹別  
賜衣五對細衣著二百匹段細弓一張鵬翎  
大箭二十八隻鞍轡二匹散馬七匹丁亥  
宴金使于大觀殿 辛卯雨雹 六月戊戌  
朔王如奉恩寺 丙午以梁淑爲中書侍郎  
平章事韓就守司空叅知政事崔惟清爲集  
賢殿大學士判禮部事並仍令致仕 壬戌



王受菩薩戒

左承宣李俊儀奏諸州任內

五十三縣各置監務安東任內甫州以太子

胎藏陞爲縣令固城縣加置尉一員王命群

臣議之以俊儀勢位既重性且猜險莫敢是

非秋七月甲戌賜張聞慶等及第乙亥

王以宮闕災虫食松葉乾文屢變下詔責躬

赦內外斬絞以下八月癸丑遣大僕卿金

暄如金謝封冊九月乙酉謁昌陵冬十

月甲辰移御壽昌宮十一月甲戌幸普濟



癸巳

寺 十二月壬寅金移牒問王生日 乙巳

設佛頂道場于明仁殿 遣衛尉卿蔡祥正

如金進方物

三年春正月乙丑朔謁景靈殿 辛未百官

賀人日賜人勝祿牌 戊寅賀立春賜春幡

子皆循舊例也 燃燈王如奉恩寺 己丑

設帝釋道場于明仁殿 閏月庚子遣禮賓

少卿權光弼如金獻方物大府少卿李應球

賀萬春節 乙巳設尊勝法會於內殿 以



朴育和守司空左僕射 己酉幸外帝釋院

設羅漢齋 二月甲戌幸王輪寺飯僧 戊

子辛妙通寺設摩利支天道場 庚寅移御

大明宮 辛卯以仁考忌辰飯僧于樂賓亭

三月癸巳朔王如靈通寺 己酉慮囚

夏四月乙丑親禘大廟下旨曰寡人以涼德

因人推戴承襲祖宗遺業夙夜寅畏奉先思

孝躬行禘禮致饗宗廟頗欲覃恩中外然近

封元子當頒大澤以是先於禘祀拜三陵時



執事陪奉及內外園獄幽囚痛楚之類欲俾  
蒙澤其赦公徒私杖以下及贖銅微瓦並皆  
除之凡預禘禮拜三陵者亦賜物 壬申醮  
太一於內殿 丙子聚巫禱雨分遣近臣禱  
于群望是時自正月不雨川井皆渴禾麥枯  
稿疾疫並興人多餓死至有市人肉者又多  
火災人甚愁嘆 庚辰兩府宰樞禱雨于晉  
濟寺 辛巳命門下平章事鄭仲夫中書平  
章事尹鱗瞻冊元子璿爲王太子 丁亥封



王長女爲延禧宮公主次女爲壽安宮公主  
戊子移御壽昌宮 宰樞禱雨于神衆院

五月壬辰朔日食 丙申端午謁景靈殿

甲辰今文武三品抽祿設齋禱雨于普濟

寺 六月壬戌朔王如奉恩寺 甲申宋遣

徐德榮來 戊子賜崔時幸等及第 秋七

月辛亥醮本命于明仁殿 八月乙亥謁景

靈殿 丁亥移御大明宮 庚辰東北面兵

馬使諫議大夫金甫當起兵於東界欲討鄭



仲夫李義方復立前王東北面知兵馬事韓  
彥國舉兵應之使張純錫等至巨濟奉前王  
出居雞林 九月丁酉捕殺韓彥國 癸卯  
安北都護府執送甫當等李義方殺之於市  
凡文臣一切誅戮 丁巳雞林人幽前王子  
客舍使人守之冬十月庚申朔李義旼出前  
王至坤元寺北淵上獻酒數盃遂弑之初前  
王宴金使使見左承宣金敦中問於執禮曰  
彼酋而長者貴而甚文其名爲誰荅曰名敦



中相國金富軾之子中魁第者也金使曰果  
信矣王聞之使請曰寡人之壽幾何金使曰  
國王之壽久不可數今滿庭老少之臣盡逝  
然後王有臨川之患矣王自計必壽不復問  
臨川之患及庚癸之亂老少文臣皆被害而  
王亦遇淵上之變其言果驗 冬十月壬戌  
制自三京四都護八牧以至郡縣館驛之任  
並用武人 戊寅設消災道場于崇文殿  
乙酉移御壽昌宮 十一月丁酉遣內侍郎



中崔均如金賀正 己亥以冊太子敕 癸

卯設八關會幸法王寺

甲午

四年春正月丁酉燃燈王如奉恩寺 二月

丁亥王如靈通寺 三月己丑以李義方女

為太子妃 癸卯幸法王寺 夏四月乙酉

幸妙通寺 五月丁酉王命指諭于光胤白

任至行首李冠夫宋羣秀慶大外庠龍車若

松等打毬賜綾綃有差 辛丑幸王輪寺

六月丙辰朔王如奉恩寺 乙丑金橫宣使



完顏琬來

庚午王受菩薩戒

丙子宴金

使於大觀殿

秋七月庚寅遣給事中皮瑩

文如金賀萬春節中郎將宋勝夫進方物都

官負外郎魯璋謝橫宣左司負外郎趙永仁

賀正 八月丁巳刑官奏重刑減死分配諸

島 宋歸我漂風人張和等五人 乙丑辛

王輪寺 九月癸巳以重九宴樞密重房于

和平宮 己酉西京留守趙位寵起兵謀討

鄭仲夫李義方檄呂東北兩界諸城 冬十



月己未遣中書侍郎平章事尹鈐瞻率三軍以擊位寵丙寅鱗瞻至岳嶺兵敗而還

丙子設百高座于天敷殿講仁王經三日

十一月甲申朔日食庚戌復命尹鱗瞻為

元帥率三軍攻西京十二月乙卯詔曰朕

德薄智微謬承祖宗積累之基臨莅三韓于

今五載不能上答天意下撫民心災變未息

恐懼難安思欲寬宥恩澤廣被中外可赦斬

絞二罪以下除刑付處庚寅癸巳配流者皆



移免上京并除贖銅徵瓦內外名山大川神  
祇各加犇賜征西軍卒米人一石宿衛軍人  
妻子在外者穀二人并一石 癸亥以李隣  
為執奏 辛未鄭筠密誘從軍僧宗岳等斬  
李義方分捕其黨殺之僧徒遂聚普濟寺  
壬申遣知奏事李光挺左副承宣文克謙慰  
諭僧徒 戊寅中書侍郎平章事崔惟清卒  
壬午以鄭仲夫為門下侍中陳俊叅知政  
事慶珍知門下省事竒卓成知樞密院事宋



未乙

有仁為樞密院副使兵部尚書李光挺為樞  
密院副使御史大夫是月金遣使來賀生  
辰

五年春正月己丑以陳俊為兵部尚書宋有  
仁為刑部尚書丁酉移御延慶宮燃燈如  
奉恩寺二月癸丑朔移御壽昌宮辛巳  
內史洞宮災三月壬午朔王如靈通寺  
壬寅幸妙通寺夏四月丙寅詔曰朕以涼  
德謬承丕緒智術寡昧刑政乖錯威輕德薄



不能取下上下人心日益頑鄙君臣名分亦  
有倒錯以致西北人民連謀不軌自庚寅癸  
巳迄至于今殺傷滿野干戈不息感傷和氣  
天變屢見茲乃寡人否德所致焦心勞思不  
遑寧處書曰民惟邦本本固邦寧安民之術  
最為要務分憂列郡者不得任情賞罰侵漁  
百姓其或州吏害民利己憑公營私而不官  
能痛禁至於干托權勢殘害百姓流離失所  
凡内外官激濁揚清守節奉公者廢賞否者



科罪其外官按察使劾奏京官及按察使所  
司劾奏獄者人之大命書曰刑期無刑故閱  
實原情究其終始庶無濫刑而由朕愚昧疑  
有冤枉朕心隱惻其爾刑官以慈折獄比來  
奔競成風刑政濫失不能開公門杜私路廣  
進賢之道賞罰者人主操持之柄而近者權  
臣在朝威福出自私門亂常失序茲風不革  
有損國家自今以後如有此等事有司舉法  
論罪今者民俗偷薄而無禮義庶恥孝悌忠



信之心至於父母生不能奉養死不能追遠  
如有孝親忠主兄友弟恭者無問貴賤旌別  
勸誘又華侈踰度宴飲過極其恣除之若金  
銀物飾畫佛像法寶外亦不得施用天聽目  
我民聽天視自我民視人民乖離故災變頻  
仍庶欲以和致和獲天人助其人心和合之  
術果安在乎寡人獨智不能施設宜省臺諸  
司各陳無隱 丁卯王章王輪寺 壬申熊  
于明仁殿 乙亥又熊 丁丑章普濟寺 五



月辛巳幸外帝釋院及九曜堂 乙酉端午

謁景靈殿 龍岡縣民欲從位寵及第楊元

貴論使不從王嘉之拜為守宮丞屬諸內侍

丙酉申發前王喪百官玄冠素服三日壬寅

葬于城東命內侍十人護送位寵舉兵之時

聲言義方弑君不葬之罪故奉葬禧陵而安

其真於海安寺以為願堂 六月辛亥王如

奉恩寺 乙卯幸現聖寺 乙未幸神衆院

乙巳禱雨戊申雨 八月己酉朔宋都綱



張鵬舉謝敦禮吳秉直吳克忠等來 甲寅

刑官奏重刑減死分配遠島 己未幸現聖

寺又幸順天館祈福于天皇地真兩祠 甲

子設仁王道場于明仁殿三日 戊辰告奏

使借秘書丞朴紹如金 九月己卯岳嶺兵

馬使大將軍康漸與位罷戰敗績免其官

辛卯移御景禧宮 癸卯以信安伯瑛女為

太子妃 冬十月丙戌賜白龍慶等及第庚

癸以來儒風不振舉子纔三百餘人 壬辰



飯僧一萬於宮庭三日甲午移御壽昌宮

己亥幸王輪寺十一月辛亥朴紹還自

金詔曰省所上表告奏事具悉使价來庭奏

函伸懇戴賜封之恩造述有國之由來謂寇

攘卒起於不虞致戢貢少稽於入覲迄用平

定字于聽聞載嘉侯度之恭宜固世封之守

壬子有人誣告重房曰朝廷與南賊潛謀

作亂是日流都校丞金允升等七人于集賢

兵部尚書李允修為巨濟縣令朝廷指文班



申丙

也 戊午移御景禧宮 丙寅移御壽昌宮

十二月癸未太白晝見經天

六年春正月金遣大監阿典溥等來賀生辰

時軍旅西征慮客使覘我虛實發神騎抄猛

班迎于道路 己巳宴金使 公州鳴鶴所

民亡伊亡所伊等嘯聚黨與自補山行兵馬

使攻陷公州 甲戌幸神衆院行香遣祇候

蔡元富卽將朴劉壽等宣諭南賊猶不從王

引見群臣於便殿咨訪討賊之策 二月丁



亥召募壯士三千命大將軍丁黃載將軍張  
博仁等將之以討南賊 庚寅移御景禧宮  
燃燈王如奉恩寺 甲午金人以兵船十餘  
艘侵掠東海霜陰縣 戊戌設天帝釋道場  
于明仁殿 乙巳王如靈通寺 三月丙午  
朔日食 辛亥王幸王輪寺設羅漢齋 乙  
卯南賊執捉兵馬使奏與戰不利士卒多亡  
請募僧以濟師 夏四月壬寅親設五百羅  
漢齋於晉濟寺摩利支天道場于妙通寺



五月丙午親設帝釋齋于賢聖寺舊名現聖  
避毅宗嫌名改之 癸亥行入閣禮引見群  
臣訪時政得失坐便殿引見群臣謂之入閣  
禮 六月甲戌王如奉恩寺 丙戌陞亡伊  
鄉鳴鶴所為忠順縣以內園丞梁守鐸為令  
內侍金允實為尉以撫之 尹鱗瞻攻破西  
京擒位寵毅之遣人來告捷 壬寅遣樞密  
院副使李文著大將軍宋慶寶往西京獎諭  
諸將 秋七月乙巳尹鱗瞻遣秘書少監康



世績表賀平西授世績少府監直寶文閣

甲寅加尹鱗瞻上柱國監修國史 八月丁

丑將軍金光英路遇一旗頭來揖馬前者光

英怒其不拜捉囚于街衢其黨群聚擅放之

便至光英家呼譟撞突光英拔戟拒之衆怒

甚光英懼踰垣而避之其衆毀屋舍乃去

辛卯辛王輪寺設羅漢齋 丁酉以少卿朴

挺義為西京副留守 己亥賜秦幹公等及

第 九月乙巳遣將軍朴純刑部郎中朴仁



澤往諭南賊。丙午。熊越庭于。辛亥。南賊  
攻陷禮山縣。殺監務。冬十月壬午。親設齋  
于賢聖寺。戊戌。設佛項道場于內殿。十  
一月壬寅。弼南賊首孫清自稱兵馬使。壬  
子。遣將軍吳泚夫如金賀正。將軍吳光陟郎  
中尹宗誨謝執送徐彥仍進玉帶二腰。丙  
辰。設八關會。幸法王寺。戊午。移御壽昌宮。  
十二月癸巳。中書侍郎平章事尹麟瞻卒。  
庚子。遣大將軍鄭世敵李夫為置處兵馬。



丁酉

使分左右道往討南賊世敵等聚開國寺門  
前鍊兵閱月而後行

七年春正月己酉亡伊亡所伊來降賜廩粟

命監察御史金德剛押送其鄉 庚戌遣將

軍丁守弼如金進方物 丙辰移御景禧宮

燃燈王如奉恩寺 丁巳曲宴賦詩示群臣

戊午金遣耶律子元來賀生辰 遣兵部

侍郎崔光廷如金賀萬春節 乙丑宴金使

己巳移御壽昌宮 三月丁丑金羅州道



按察使奏彌勒山賊降 庚辰亡伊等復叛

寇伽耶寺 甲申親設齋于神衆院 戊子

設帝釋道場于內殿 己丑南賊寇黃驪縣

又寇鎮州 丁酉設佛頂道場于內殿 己

亥右道兵馬擒斬加耶山賊首孫清及其徒

黨 庚子王如靈通寺 是月盜起西海道

遣戶部員外郎朴紹發州縣兵討之 三月

乙巳吳光陟還自金言所進玉帶其一乃石

乳非玉有司奏之帝曰小國無辨識者誤以



為王耳且人不易物惟德其物若復却之豈  
禮體耶王聞之慚懼遣郎中朴孝偕表謝乞  
罪 辛亥亡伊等焚弘慶院殺居僧十餘人  
逼令住持僧齎書赴京略云既升我鄉為縣  
又置守以安撫旋復發兵來討以繫我母妻  
其意安在寧死於鋒刃下終不為降虜必至  
王京然后已 丁巳虜因 戊午左道兵馬  
使擒賊首李光等十餘人 庚申幸妙通寺  
設摩利支天道場 夏四月義靜二州叛遣



直門下史正儒禮部郎中林正植論之南  
賊陷牙州時清州牧內郡縣皆陷於賊惟清  
堅守丁丑重房奏東北兩界州鎮判官不  
許以武官補從之主是議者將軍洪仲邦也  
武官金敦義等六人伺仲邦出遮道號訖難  
以惡語重房捕得之黥配于島壬午安平  
公微卒丁酉賜崔基靜等及第五月庚  
子遣宣旨使用別監審覈南賊制置左右道  
兵馬使戰功多少辛亥詔削忠順縣癸



丑大雨雹 壬戌趙位罷餘衆五百餘人作  
亂殺留守判官朴寧及其初請降者副留守  
朴挺義司錄金得礪書記李純正等潛竄獲  
免初王師之攻圍也踰城降者無慮千餘人  
及城陷丁壯皆逃匿厥后其降者以逃者為  
叛妻略婦女攘奪財產故丁壯作亂致此變  
遣大將軍李景伯郎中朴紹往諭之 六月  
庚午王如奉恩寺 辛巳金橫宣使大府監  
徒單良臣來金使之來也國家疑西京餘孽



梗道路托言軍旅之後沿路大疫從他路迎  
候仍遣戶部郎中朴紹中郎將牙應時率官  
軍及神騎八十人往備不虞行至軍通德驛  
賊果猝出掩擊死者十八九紹亦遇害癸  
未王受菩薩戒辛卯震大廟南賊首亡  
伊遣人來請降甲午慮囚秋七月甲辰  
官軍與西賊戰敗乃還丁未王親製引咎  
責躬詞告謝于景靈殿太祖神御庚戌西  
賊首郎將金旦請降下制曲赦仍遣中使往



論之 丁巳南賊處置兵馬使鄭世敵等捕  
賊首亡伊亡所伊等囚清州獄遣人告捷  
戊午遣抄猛班行首李頓綽金立成討西賊  
八月庚午遣五軍別號討西賊 丙子滅  
死囚二十人配有人島 丁丑太史奏太白  
自七月五日至是常見 壬午南路招賊左  
道兵馬使梁翼京還翼京所至貪縱吏民不  
堪其苦咸謂害甚於賊 乙酉金使還時以  
西賊梗塞東涉臨津經由春州界行至定州



乃出關春州副使崔忠弼托其供頓聚歛太

甚坐罷

丁亥西北路斬賊魁金旦等五人

首函送于京

中書侍郎平章事致仕韓就

卒

癸巳幸外帝釋院設羅漢齋九月辛

丑遣上將軍李義收領八將軍討西北賊

乙巳移御安和寺

戊申慮囚甲寅西賊

自西京曇和寺移也香山冬十月壬申幸

王輪寺設羅漢齋

丙戌西賊首康畜等三

人來降皆授校尉遣還諭降餘黨

甲午設



佛頂道場于明仁殿 十一月丙午遣郎將

崔美如金謝擴宣內侍負外郎崔貞謝賀生

辰禮部負外郎孫應時賀正 己酉設八關

會幸法王寺 辛亥還御壽昌宮 壬子西

賊首曹忠來降 丙辰南賊制置右道兵馬

使李夫還夫馭軍嚴整所至安堵得士卒心

屢戰皆捷故盜賊屏息

八年春正月甲辰遣將軍盧卓儒如金賀萬

春節 丙午遣兵部郎中崔孝球進方物



己酉燃燈王如奉恩寺 金遣僕散懷忠來

賀生辰 乙卯親設齋于神衆院 丁巳分

遣察訪使工部郎中崔說于興化道刑部負

外郎崔孝著雲中道閣門祗候林推謙朔方道

監察御史崔敦禮沿海溟州道秘書丞尹宗

錫西海道千牛衛將軍吳光陟楊忠州道郎

將李文中晉陝州道侍御史宋端慶尚州道

將軍宋君秀全羅州道刑部侍郎李文中廣

清州道起居注皇甫倬春州道問民疾苦黜



陟官吏及奉使者限十年以前追論殿最凡  
被劾者八百餘負孝著以考覈不精免 戊  
午宴金使 興王寺僧告重房曰寺僧有與  
德水縣人謀作亂者敬負高子章實知之重  
房逮捕僧及子章流于遠島陰遣人投之江  
中子章性甚暴戾聞者相慶 己未設帝釋  
道場于明仁殿 庚申西南路兵馬使李義  
旼斬西賊三百餘人告捷 二月壬申設佛  
頂道場于內殿 甲戌西京留守判官朴仁



澤將赴任行至高原驛賊邀殺於路 辛巳

親醮魁剛 三月乙未朔壬如靈通寺 己

酉幸普濟寺設五百羅漢齋 辛亥慮囚宥

諸道察訪使械送賊吏三十五人臺監殿中

侍御史晉光仁不能駁執御史臺劾奏竟原

之 甲寅宰樞文武三品以上會式目都監

議處置西京 丙辰御史臺奏內侍茶房實

踰定額制下剗內侍林正植等十二員茶房

六員 戊午重房奏以大將軍張搏仁金泚



分。左右橋路凡道傍屋宅欄垣典雅尺寸苟  
侵官路皆令復舊。夏四月乙亥西賊陷谷  
州。丙子陷遂安掠財穀牛馬而去。庚辰  
辛王輪寺設羅漢齋。丙午以大將  
軍金光軾為西京制置使將軍朴順副之  
乙酉禘于大廟。更宣西京官制。庚寅發  
五領軍往捕西賊。五月甲午禱雨。壬子  
張正都省又禱辛酉再雩。六月甲子王如  
奉恩寺。丁卯賜陳光恂等及第。己卯罷



察訪使所劾賊吏職其政最者皆陞資 閏

月壬子平章事李光縉卒 八月壬辰朔設

消災道場于內殿 甲辰減死囚二十人流

之 辛亥信安侯辛輜朝三日 九月癸未

設藏經道場于明仁殿七日 冬十月己酉

親禱于大廟告平西賊赦 丙辰設仁王百

座道場於大觀殿令中外飯僧三萬 十一

月壬申遣將軍奇世俊如金謝賀生辰郎中

全諒賀正 癸酉設八關會幸法王寺 戊



子御便殿引見東西兩界諸城上長都領賜  
上長匹改都領錦衣金帶馬一匹僊人布十  
匹以平西之後盜賊頻起慮復搖動有此賜  
識者嘆其姑息 是月金遣八將軍兵來屯  
義州關外 十二月壬子親設仁王道場于  
明仁殿五日







世家卷第二十

高麗史二十

平憲大夫曹判書李齊賢提學知經筵兼秋館事無成均司成鄭麟奉

教條

明宗二

己

九年春正月庚申朔放朝賀 甲子遣郎中

李俊材如金進方物將軍孫碩賀萬春節

壬申燃燈王如奉恩寺 丙子金遣大府大

將軍少府監左光慶來賀生辰 戊寅宴金

使 二月辛卯西賊復起 壬辰門下侍郎



平章事奇卓成卒 戊午王如靈通寺 三

月己未朔始修宮闕 辛酉親醮于內殿

戊寅慮囚 夏四月己丑朔千齡殿成 壬

辰隕霜殺草 庚戌西北面知兵馬事李富

患西賊遣種乘間復起思欲盡誅之聞其之

食爲公牒給諸賊屯曰以某日受糧于所在

某城仍密誘諸城曰若賊來入城宜閉門悉

誅之於是承牒捕誅者凡五城龜州所殺至

三百餘人嘉州人引賊百餘人入倉鎖門賊



脫出無計洶踊曰不意官家見給如此吾寧  
自絕豈可見制於人手乃鑽燧燒倉自焚而  
死穀米無慮十萬斛盡爲煨燼獨牛方田等  
賊帥覺之復嘯聚爲賊兵馬使奏發諸城兵  
擊之官軍失利安北都護判官咸壽山戰死  
於是復濟師屢戰乃滅之冬五幸外帝釋  
院丙辰幸普濟寺五月甲子同知樞密  
院事于學儒卒丙寅以閔令謨同中書侍  
郎平章事判吏部事宋有仁同中書侍郎平



章事判兵部事以左承宣知兵部事鄭筠改  
爲知都省事 甲戌守司空左僕射洪仲方

卒

丁亥停修宮闕

六月戊子朔王如奉

恩寺

辛卯叅知政事陳俊卒

壬寅王受

菩薩戒于明仁殿

己酉慮囚

秋七月己

未左遷樞密院使文克謙爲尚書左僕射樞

密院副使韓文俊判司宰寺事 甲戌太白

經天六日

庚辰以廉信若爲吏部尚書

壬午設仁王道場于明仁殿十餘日以禳災



變 九月庚申幸王輪寺 辛未將軍慶大  
升誅鄭仲夫宋有仁 甲申金牒告閔宗皇  
帝廟諱亶字及同音字並令回避 冬十一  
月戊午地震 己未宣旨二罪以下除刑付  
處慶大升累起大獄用刑深峻王惻然故有  
是命中外皆悅 辛酉設百座會于開國寺  
是年兵刃數起國家患之術僧致純奏曰舊  
制三年一設百座會前年十月雖已行之今  
宜別例復行以禳其災從之 丁卯設八關



庚子

會幸法王寺 丁丑設消災道場于明仁殿  
五日 十二月辛卯地震 戊申以宋訄爲  
衛尉卿右諫議大夫 壬子重房聞妖言歲  
抄有變大懼使禁軍露刃環衛其近侍閣宦  
逃匿者過半

十年春正月甲寅朔放朝賀 丁卯燃燈王  
如奉恩寺 庚午金遣少府監盧珙來賀生  
辰 乙亥宴金使 二月壬辰始營宮闕  
壬子王如靈通寺 三月庚午幸王輪寺



夏五月己巳幸外帝釋院 六月壬午王如  
奉恩寺 丁亥賜李得玉等及第 甲午金  
橫宣使少府監郭喜國等來 壬寅宴金使  
已酉設法華會於崇教寺 庚戌內嬖明  
春死王哀戀不已失聲號哭太后驚駭寬譬  
之曰雖是情鍾然不可使聞於重房也然猶  
嗚咽不能止遂親製悼亡詩令宗親和進以  
自慰王天資孱弱加以屢更變故動輒驚懼  
凡軍國機務皆牽制武臣至如聲色猶不敢



自專及賊臣誅夷始得湯愛牀第內嬖專房者五人尤寵幸者唯純珠明春二人自去年冬純珠死明春又亡後宮無可悅意者乃命召二公主入內令掌服御諸務俾朝夕不離於側間或同調共寢者念有不可道者其壻今公累月曠居不勝憤恚遂欲絕婚王聞之乃召令公俾居壽昌宮東太后行宮日令公主微服往見慰藉之至十一月還公主于私第王又召集純珠明春及諸嬖所生兒女數



十于宮內皆衣班襴載以鳩車嬉戲內庭啼  
呼喧闐不類宮禁故武臣等悉皆腹誹或有  
偶語咨嗟者王德文毅宗不孝悌故自即位  
以來至誠事太后敦睦宗戚秋七月丁丑  
叅知政事李紹膺死八月庚寅臧死罪二  
十餘人配有人島丙申移安太祖靖宗神  
御于大安寺戊戌設消災道場于明仁殿  
九月癸丑放還二罪以下流竄者辛酉  
設消災道場于大觀殿以禳天變冬十月



辛巳賜將軍慶大升犀紅鞵一腰馬一匹  
甲午幸普濟寺 已亥設佛頂道場於明仁  
殿 庚子王如奉恩寺以重修落成也 十  
一月壬子重新康安殿成其門額舊曰嚮福  
以門近接重房東隅故武臣等議以爲嚮福  
與降伏聲相近蓋文臣欲以此禳歷武官而  
降伏之也奏請改其額命平章事閔令謨改  
曰永禧武臣等復以爲文臣之意不可測安  
知永禧別有深意耶禧者福也永字之意古



凶未可知也重字本房之稱請改爲重禧王  
從之 乙卯幸妙通寺 己未遣秘書少監  
王度如金謝橫宣郎將沈進升謝賀生辰  
庚申移御景禧宮 壬戌設八關會幸法王  
寺 癸亥遣兵部郎中陳士龍如金賀正  
戊辰移御壽昌宮 甲戌太白晝見十二月  
癸未又晝見經天 乙未設消災道場于內  
殿 辛丑夜三司災有司請罪直宿官及諸  
司不赴救者王知直宿官爲副使李純憚其



怒命貫之但罪不赦者中書省固請以爲若不罪失火官而罪他人則罰不中矣王不得已從之 乙巳慮囚 以閔令謨爲太子太師李光挺爲太子太傅並以本官兼之崔忠烈爲中書侍郎平章事太子少傅韓文俊叅知政事太子少保文克謙爲太子少師崔遇清爲樞密院使太子賓客李應招知樞密院事太子賓客崔世輔同知樞密院事丁黃載爲戶部尚書杜景升爲工部尚書



辛丑

十一年春正月戊申朔放朝賀 己酉以李

知命爲右諫議大夫 辛亥寫經院火先是

命寫成銀字藏經公私競納錢財而助之無

賴輩欲盜其物因火之 甲寅知樞密院事

李應招卒 戊午遣衛尉少卿李輔德如金

獻方物 庚申移御景禧宮 辛酉燃燈王

如奉恩寺翌日大會御帳殿看樂夜與群臣

酣飲日晏未罷軍校皆使酒鼓譟牽龍爭高

其榻至與浮階相齊尊卑無等王亦醉甚欲



起舞左承宣文章弼諫止之遣將軍申寶

至如金賀萬春節甲子金遣大府監任侗

來賀生辰癸酉移御壽昌宮乙亥白虹

逼日三月戊寅朔設帝釋道場于明仁殿

三月丁未朔王如靈通寺丙寅慮囚

戊辰群盜入大倉隊正宋康清募卒力鬪不

克而死辛未入奉恩寺鼓譟劫掠盜太祖鋪

銀瓶三十餘口閏月戊戌幸玉輪寺夏

四月丁未直翰林院李元牧製進祈雨疏多



言時政之失王召元牧傳旨曰野諺曰春旱  
與糞田同閒或有雨澤則天心之仁愛蓋未  
可知比者太史請禱雨予重違而許之汝疏  
何引我過舉以飾辭乎即命改撰自正月至  
此不雨而王言如此由群小導之也 辛酉  
禱雨于宗廟陵寢岳瀆及諸神祠 乙丑幸  
普濟寺 癸酉親醮內殿又望祭北郊于玄  
武門樓禱雨 五月辛巳再雪 辛卯設仁  
王道場於明仁殿 以崔忠烈判刑部事李



富直門下省 六月丙午朔王如奉恩寺

辛亥設大歲道場于明仁康安二殿 辛酉

大雨

壬申慮囚

是月殿中省奉詔遣使

賜酒果于上將軍致仕宋慶寶私第慶寶聞

使臣至燕服出迎今使臣脫公服使臣據舊

例遲回不敢慶寶怒叱強令脫之使執手入

廳設草具酒三行即撤慶寶官至三品年踰

七十而不知禮罵辱使命時譏之 秋七

月己卯宰樞臺諫重房會京市署檢斗斛察



奸僞以市人於斗米糴沙批賣之也。是夜  
自壽昌宮北垣投石抵御寢北牖者三四宿。  
衛皆驚巡索禁垣竟不得重房奏請每夜以  
將軍領手下軍校伏兵宮門外及諸要害處  
以備警急從之。乙卯臧死罪配有人島。  
癸酉百官習射于西郊。九月丙子詔曰朕  
聞往年十道察訪使黜陟官吏多有乖戾其  
濫蒙褒賞者猶之可也。誤被罪罰冤抑無告  
者可不惜哉。其悉原免依舊敘用。仍命二罪



以下悉除刑付處歲戊戌宰相宋有仁李光  
挺等建議奏發十道察訪使俾往陞黜坐贓  
落職者九百九十餘人悉皆錄籍於是其出  
銀五十餘斤賂鄭仲夫求去其籍仲夫求果  
而敗自是大賂權貴請去之然國家朝章縣  
縣不絕故累歲而未能削至是用事者指言  
天譴屢彰訛言浸興皆因寃濫所致下詔原  
之臺閣無一言識者歎之 癸未百官習射  
於東郊 壬寅幸妙通寺 冬十月癸丑設



消災道場于明仁殿 壬戌詔仁王道場于

大觀殿飯僧三萬于毬庭 十一月乙亥幸

外帝釋院 癸未遣將軍崔璉如金謝賀生

辰金用純賀正 甲申移御景禧宮 乙酉

設八關會幸法王寺 己丑移御壽昌宮

十二月壬子移安毅宗真于宣孝寺初安其

真於城西海安寺至是武臣議曰毅宗離武

人不宜安真於武方遂請以城東吳彌院改

號宣孝寺構真殿移安以海安寺爲重房願



堂 戊辰設仁王道場于內殿 庚午以韓

文俊爲寶文閣大學士判禮部事文克謙守  
大尉崔遇清爲翰林學士承旨崔世輔知樞  
密院事宋清韓約爲樞密院副使丁黃載爲  
兵部尚書杜景升爲戶部尚書曹元正爲工  
部尚書文章弼爲樞密院知奏事左散騎常  
侍金光軾爲殿中監獨孤孝爲樞密院右承  
宣李知命爲右散騎常侍申寶至爲御史中



主黃

十二年春正月壬午遣郎將金光裕如金進  
方物郎中田元均賀萬春節 甲申移御延  
慶宮 乙酉燃燈王如奉恩寺 戊子金遣  
耶律仲方來賀生辰 辛卯幸神衆院 甲  
午宴金使于大觀殿 己亥移御壽昌宮  
二月乙巳中書侍郎平章事崔忠烈卒 管  
城縣令洪彥侵漁百姓淫荒無度吏民殺彥  
所愛妓又殺妓母及兄弟遂執彥幽之有司  
按問流首謀者五六人彥亦廢錮終身又富



# 縣志

城縣令與縣尉不相能害及無辜一縣不堪  
苦遂殺尉衙宰僕及婢因閉令尉衙門使不  
得出入有司奏二縣悖逆莫甚請削官號勿  
置令尉從之 三月辛未朔王如靈通寺

庚辰軍器注簿張光富廬墓三年旌表門閭  
癸未以上將軍權節平爲西北面兵馬使  
尚書右丞宋端爲東北面兵馬使舊制兩界  
兵馬使上道之日唯郊亭局設而已雖親舊  
不得私餞蓋重其威也近年祖餞成風闡明



# 龍

郊野相與媒狎頗損威重至是二人早發而行餞者皆不及時議多其得體 庚寅慮囚

初全州司錄陳大有頗負清介用刑極酷民多苦之及國家遣精勇保勝軍造官船大有與上戶長李澤民等督役甚苛旗頭竹同等六人作亂嘯聚官奴及群不逞者逐大有于山寺燒澤民等十餘家吏皆逃竄乃劫判官高孝升易置州吏孝升但授印而已及接察使朴惟甫入州賊盛陳兵伍訴列大有不



三

法狀按察不獲已械大有送京師因諭賊以  
禍福不從於是悉發道內兵討之賊閉城固  
守事聞夏四月戊申遣閣門祗候裴公淑郎  
將劉永等往問竹同等叛逆之由公淑等入  
城諭一品軍隊正其史失謀去賊魁計畫垂成  
被讒見罷以郎中任龍臂郎將金臣頴代之  
按察所遣兵攻城不下已四十餘日一品軍  
隊正與僧徒殺竹同等十餘人賊平已巳龍  
臂臣頴等乃至索餘黨三十餘人誅之夷城



整而還

五月乙亥百官賀平全州

甲申

遣近臣迎佛骨于十貧殿

丁亥太白晝見

癸巳幸普濟寺

甲午太子親試學生取

河巨源等八人以備侍學

六月庚子王如

奉恩寺

甲辰罷金羅道按察使朴惟甫以

李章甫代之以不能安撫全州擅調兵也

甲子制凡人金書狀今國學館翰儒官有才

名者遣之

丙寅賜許徵等及第

秋九月

穆親殿及麗正宮成

庚寅幸妙通寺

冬



癸卯

十一月己卯移御延慶宮

癸未遣將軍安

允恭如金謝賀生辰兵部郎中崔永儒賀正

十二月乙卯以弟駸守太師平涼公王珙

守司徒邵城侯 乙丑以文克謙叅知政事

文章弼爲樞密院副使

十三年春正月庚辰燃燈王如奉恩寺 癸

未金遣太府監僕散衍來賀生辰 遣吏部

郎中文章偉如金進方物郎將盧孝敷賀萬

春節 丙戌移御壽昌宮 二月戊戌幸王



輪寺 己未設藏經道場于明仁殿王行香  
製絕句一首賜文克謙和進 乙丑王如靈  
通寺 夏四月壬寅大設華嚴法會于洪圓  
寺薦庚癸以來死亡者 丁巳金國報改來  
遠城爲來遠軍 戊午大雨雹如杏子 五  
月癸未幸外帝釋院 丙戌重房奏省東班  
官職 六月金遣大理卿訖石烈來賜羊甲  
寅宴金使于大觀殿 秋七月丁丑將軍慶  
大升卒 八月癸巳朔夜城中大驚譟聲震



都下 戊申捕慶大升都房並流遠島 是  
月兩府宰樞奏每歲奉使如金者利於懋遷  
多齎土物轉輸之弊驛吏苦之夾帶私積宜  
有定額違者奪職詔可居無何將軍李文中  
韓正修等使金恐失厚利請復舊例王又許  
之王柔而寡斷政令無常朝出暮改類多如  
此 冬十月丙辰幸妙通寺 十一月壬戌  
朔日食 乙亥設八關會幸法王寺 癸未  
王太后任氏薨太后之病也王親自調藥夜



不解衣者累日病革王泣目盡瘡及薨殯于  
義昌宮旁私第王朝夕哭臨哀甚宰相請抑  
哀不聽 閏月乙未遣戶部員外郎崔孝著  
如金告哀將軍李文中謝賀生辰郎將崔文  
清賀正員外郎鄭允當謝賜羊金恤我有喪  
辭遣故皆至義州而還 丁未平章事致仕  
李公升卒 甲寅葬太后于純陵王自義昌  
宮步至彌勒寺釋服移御堤上宮 戊午兩  
府宰樞臺省表請復常膳不允 十二月庚



寅以李光挺守太保判吏部事韓文俊判兵  
部事文克謙爲中書侍郎平章事判戶部事  
文章弼同知樞密院事御史大夫杜景升康  
信若曹元正並爲樞密院副使李義旼爲工  
部尚書

甲辰

十四年春正月辛卯朔放朝賀 甲午太白

經天 乙巳遣貢外郎文義赫如金進方物

將軍韓正修賀萬春節皆至義州而還以金  
恤我有喪也 二月辛未太白自去去年十月



常晝見

乙亥幸外帝釋院

三月辛丑京

城地震

夏四月己未朔日食

壬申燃燈

王如奉恩寺翌日大會御延慶宮觀樂以國

恤權停上元至是行之唯禁插花諸技

戊

寅幸妙通寺

庚寅以久旱慮因

甲午金

祭真使大府監完顏事等來丙申金帛慰使

大將軍大仲允來戊戌起復使完顏三勝來

癸丑王引起復使受詔于大觀殿詔曰君

子不奪人之喪盖將立教聖人有變古之禮



所以從宜義或可行事當無避暗分茅守土  
繼世象賢迭居海邦恪守侯職頃以貢章之  
上遽懼母氏之憂朕亦惻然卿何堪處言念  
太藩之寄豈宜小節之拘已勅有司俾還從  
政墨衰破敵是能達兵革之權哀慕在心何  
必重苴麻之飾祖宗之業不可以不念軍民  
之務不可以不修夙夜畏天之威安寧保國  
之業丁巳王宴金使于大觀殿使以不從  
吉禮怒不赴六月戊辰王乃宴金使于大



觀殿竟不結棚插花奏樂 秋七月丁亥朔  
樞密院使崔遇清卒 八月甲子王以嬖妾  
死慟哭不御肉聽政 九月丁未流諫議大  
夫宋訥右司諫崔基厚直史館王許召等六  
人于遠島 庚戌賜琴克儀等及第 冬十  
月乙亥設百座仁王會于大觀殿齋僧一萬  
于毬庭 癸未金主以謁貞義皇后寢宮于  
東京詔停明年賀正及賀萬春節等使 十  
一月丙戌朔幸外帝釋院 甲午親行虞祭



已亥設八闕會王觀樂于毬庭翌日大會  
又觀樂于毬庭 丁未奉安太后真于靈通  
寺仁宗真殿 庚戌大閱于東郊 十二月  
甲申以韓文俊爲門下侍郎平章事判吏部  
事崔世輔爲門下侍郎平章事判兵部事文  
克謙爲太子太保文章弼叅知政事金光植  
林民庇爲樞密院副使李義旼守司空左僕  
射鄭邦佐知御史臺事李知命爲翰林學士  
承旨鄭允當爲吏部員外郎李居正爲左正



言王凡用入唯與嬖臣宦豎議親署叅官以  
上封其草直付政曹名曰下批政曹據草謄  
寫更無奏議由是奉繞成風賄賂公行賢否  
混淆嬖臣宦豎有所請托王問曰得賄幾何  
多則喜從其請否則延時日以冀其多故宦  
寺盜主權作威福甚於前朝且王之潛邸也  
光靖王后早薨不復立后故即位之後嬖姬  
孽子招權納賄竊弄威柄朝野缺望  
十五年春正月丁酉以文克謙爲中書侍郎



判禮部事 戊戌燃燈王如奉恩寺翼日大會王觀樂于天數殿以國恤除插花 辛丑西北面兵馬使李知命獻契丹絲五百束知命之陛辭也王召入內殿親諭曰義州雖禁兩國互市卿宜取龍州庫紵布市丹絲以進故有是獻穀宗時凡金國所贈絲絹等物半入內府以需御用半付大府以克經費王即位以後悉入內府賜諸嬖倖府藏虛竭徵求至此 三月甲申朔王如靈通寺 丁未親



觀

設藏經道場于明仁殿 夏四月乙亥幸妙  
通寺 是月王患虛羸嘗餌栢子仁酒栢子  
仁不佳御醫奏云栢子仁產雞林者最良請  
遣中使求之不許請遣郵吏又不許曰今農  
事方殷恐煩小人憑籍朕命擾民妨農寧  
輟藥物豈可使東作之民廢其業耶遂不復  
御 五月丙戌遣右散騎常侍宋端祺祭于  
白馬山爲太子祈嗣 六月癸丑王如奉恩  
寺 丙寅有侍御史二人與宦官崔東秀會



于廣真寺爲流頭飲國俗以是月十五日沐  
髮於東流水被除不祥因會飲號流頭飲  
八月丙辰太白經天 己未王御便殿斷刑  
部所奏重刑 壬申親行八虞祭 是月金  
男女十八人來投登州 霜陰縣下詔發還  
九月丙申設藏經道場于明仁殿 冬十月  
庚戌朔日食 十一月壬午遣上將軍梁翼  
京郎中崔素如金謝致祭郎將康用儒謝弔  
慰將軍崔仁謝起復郎將崔文清賀正 癸



丙午

已設八關會王如法王寺 已酉工部尚書  
咸有一卒 十二月甲子命旌孝子尉韶門

丙寅慮囚 已卯以杜景升叅知政事李

商老爲吏部尚書李俊昌爲大僕卿

十六年春正月庚辰朔放朝賀 癸未令同

正朴元實以飛語告重房曰校尉張彥夫等

八人謀亂重房捕詰彥夫對曰方今執政用

事者貪鄙酷愛白銀賣官鬻爵多行不法擬

斷如此人頭嚙其口以銀廣示朝野使人人



知貪銀以死也彥夫竟見殺元實超拜散員  
辛卯遣侍郎文義赫如金進方物禮賓卿  
柳公權賀萬春節 癸巳燃燈王如奉恩寺

丙申金遣昭毅大將軍耶律履來賀生辰  
戊戌宴金使 辛丑王告即吉于景靈殿

丙午祔恭睿太后于大廟 二月庚申金遣  
大府監耶律主來落起復壬戌宴金使于大  
觀殿 夏四月己酉政堂文學致仕崔汝諧  
卒 丁卯麗景門成諸將奏門之高廣宜准



向成門詔可麗景在東向成在西慮東高於  
西文勝武故有是議 戊辰幸外帝釋院  
壬申賜宋惇光等及第 五月壬午雨雹  
辛卯幸玉輪寺 宋歸我漂風人李漢等六  
人 六月戊申王如奉恩寺 庚申金橫宣  
使大理卿李磐來宴于大觀殿磐善文章容  
止可觀自入界所至館舍錦綺帳褥必命撤  
之又禁屠殺每有餘食輒令從者盛橐而行  
道遇窮餓者悉施之 甲子賜羊于文武叅



官以上及近臣有差 秋七月甲申有人告  
耽羅叛王驚愕引兩府問處置方略即遣閣  
門祗候獨孤忠郎將池資深爲安撫使以式  
目錄事張允文爲大府注薄行耽羅縣令各  
賜綾絹七端因促上道詔前令尉皆加重罰  
既而聞之無叛狀然詔今已出故允文上官  
而前令尉竟坐免 甲辰內侍院奏自今有  
進膳者止給酒果勿用布帛布帛有數而進  
膳者無窮以有限之物供無窮之費非長計



也詔曰朕欲澤及萬物而未遂其願故因其  
薄物必施厚惠布帛雖費皆是國人蒙利也  
勿以爲吝王自即位以來有進膳者雖微物  
輒厚賜布帛故貪利之徒至有旁求他方以  
獻者 閏月乙卯制曰民惟邦本本固邦寧  
比來守令刻剝其民無所畏忌人不堪苦流  
離日多予甚悼焉惟爾有司痛懲貪吏以戒  
後來如有誅求於民招受賄賂者所受雖微  
皆從重論 丁酉謁長純二陵遂幸天孝寺



晉州守金光允安東守李光實皆貪殘屠  
剥民不堪苦謀爲叛逆有司議賊並流之  
九月丁卯幸普濟寺 冬十月丁丑流讒人  
朴敦夫于遠島時匿名書甚多誣人罪過有  
得罪者莫知其由人皆危懼重房密令禁軍  
伺之敦夫懷書將帖門捕得流之道死人皆  
快之 癸未恭化侯瑛卒 乙酉親祫于大  
廟赦 十一月甲辰幸王輪寺 遣刑部侍  
郎于述儒如金謝落起復禮部侍郎任濡謝



丁未

橫宣中郎將盧孝敦謝賀生辰郎將崔光甫  
賀正 己未移御壽昌宮 丁卯王如靈通  
寺 十二月庚辰幸外帝釋院 辛丑以上  
將軍崔世輔同修國史將軍崔連金富並爲  
禮部侍郎

十七年春正月癸卯朔放朝賀 辛亥移御  
延慶宮 遣將軍車若松如金進方物李文  
中賀萬春節 己未金遣昭毅大將軍韓景  
懋來賀生辰宴于大觀殿 二月戊寅設蒲



災道場于宣慶殿 己丑幸神泉院 壬寅

王如靈通寺 三月戊申幸外帝釋院 夏

五月己未移御壽昌宮 六月壬申王如奉

恩寺 丙申中書省劾奏慶尚州道按察使

崔嚴威苛察侵漁吏民受賂無厭命以郎將

朴冲代之冲性清謹庚戌武臣並奪文

官第宅而冲獨守正 秋七月丁卯太白晝

見經天 己巳晦日食 曹元正等謀亂伏

誅 九月壬子順州歸化所安置賊數百人



戊申

潰散行掠兵馬使發兵捕之 冬十月丁酉  
齋僧三萬于毬庭 十一月丙辰移御壽昌  
宮 辛酉王如靈通寺 十二月乙酉以文  
克謙權判尚書吏部事

十八年春正月丁酉朔放朝賀 癸丑金遣  
耶律彥拱來賀生辰乙卯宴于大觀殿 癸  
亥設道場于明仁殿以禳天變 二月丙申  
王如靈通寺 三月戊午慮囚 夏四月丁  
卯朔雨雹 庚午雨雹辛未大雨雹丁亥雨



電 五月癸卯詔曰農務方興久旱不雨慮  
有冤獄久滯不決其令二罪以下悉皆原免  
癸丑少監王元之婢壻私奴平亮滅元之  
家丙辰流平亮于遠島平亮平章事金永寬  
家奴也居見州務農致富賂道權要免賤爲  
良得散貧同正其妻乃元之家婢也元之家  
貧挈家往依焉平亮厚慰勸還于京密與妻  
兄仁茂仁庇等要於路殺元之夫妻及數兒  
自幸其無主可求得爲良使其子禮圭得拜



隊正娶八閩寶判官朴柔進之女又以仁茂  
娶明經學諭朴禹錫之女人皆痛憤至是御  
史臺捕鞠流平亮罷柔進禹錫官仁茂仁庇  
禮圭等皆逃匿 六月丙寅朔王如奉恩寺  
己巳賜內侍中尚令李唐髦等及第閣門  
祗候李尚敦之子化龍亦登第以寵姬子妻  
之命於玄德宮迎紅牌賜內庫銀及匹段  
庚辰王受菩薩戒于明仁殿 秋九月庚申  
慮囚 冬十月甲申幸外帝釋院 戊子幸



妙通寺

辛卯太白晝見

十一月丙申辛

普濟寺

庚子太白晝見

遣朱光美如金

謝賀生辰李尚儒賀正

乙卯王如靈通寺

辛酉憲臺請減近臣以克各司詔曰大臣

子弟雖不勤謹不可輕黜無權勢者在所當

去然皆畏法奉公除此輩更無使令不可依

允

十九年春正月丁未西北面兵馬使馳報金

主崩戊申金遣使來賀生辰王宴之二



月辛酉朔日食 庚寅王如靈通寺 三月

戊午遣奉慰使及祭真兼會葬使如金 已

未金遣使來告喪金使初至境上凡軍從三

十一人邊吏以人數多於舊例固留不迎金

使牒曰大行皇帝於爾國有大恩寵今聞訃

音宜顛倒迎命即行喪禮今既累旬稽留不

納大乖禮制命群臣會議迎入界庚申王素

服率百官迎詔于都省廳舉哀金使見王哀

痛莫不動色 夏四月壬戌釋服 已卯遣



使如金賀登極 五月辛亥雨雹 閏月辛

酉故宰相崔忠烈妻以米一百石納于公廩

丙寅以久旱禱雨于群望宥冤獄 辛未

禱于廟社及名山大川諸神祠巷市癸酉聚

巫禱于都省丁丑零又禱于群望己卯雨

秋七月丁未遣使如金賀天壽節又遣使進

方物 九月丙寅平章事文克謙卒 冬十

一月壬申金橫宣使完顏述來 庚辰王如

靈通寺 甲申宴金使于大觀殿 十二月



庚戌

乙巳以崔世輔判吏部事杜景升權判兵部事

二十年春正月壬申金遣耶律炳來賀生辰  
已卯宴金使于大觀殿賜金帶是月盜  
起東京按察副使周惟氏率兵欲襲賊賊覺  
而拒之殺傷甚衆二月己丑金報改元明  
昌夏五月賜皇甫緯等及第秋八月丙  
戌減內外死囚十六人分配海島丁酉以  
秋夕親享景靈殿甲辰幸普濟寺丁未



平章事韓文俊卒

九月丙辰詔曰自古有

國家者所重在民唐太宗揀天下清直有名之士分補守令撫綏黎民事在簡策垂法後世今國家酌古思今揚清激濁黜陟之法庶幾貞觀乃何近民之官先私後公損人益己剝民膏血恬不爲愧雖贓狀已露猶且托付權勢以圖苟免故習俗因循狃于姦宄欲臻至治其可得乎咨爾兩界兵馬使五道按察使尚一乃心力見善若驚疾惡若讎其有守



節效職者褒之使知勸責公漁利者劾之使  
知戒如此則廉恥之風興而貪殘之行息矣  
其今有司施行 庚申以重陽親享景靈殿  
壬戌有司奏勅忠州牧使前上將軍鄭元  
獬制曰代君而理民者吏也故吏良則民安  
否則必至騷擾元獬嘗抵法削爵竄于南荒  
朕冀其自新命以前職假守中原今且不悛  
多行不義剝民滋甚罪在不赦然以惻隱之  
心不忍加誅其今以檢校官屏居鄉里彼忠



大觀殿 二月乙未金遣完顏臣來告皇太后喪遣大將軍韓正修郎中崔敦禮如金吊喪大將軍文得呂司業李世長致祭丁酉幸延慶宮邀金使不至夜率群臣迎詔於都省發哀 己亥宴金使于大觀殿 庚子知門下省事自任至卒 三月乙卯叅知政事朴純弼卒 秋七月己酉再雪 冬十二月甲辰以杜景升判吏部事修國史李義收判兵部事李奕彥爲中書侍郎平章事權節平叅



主

知政事判戶部事趙永仁叅知政事政堂文  
學翰林學士承旨劉升守司空左僕射金永  
存知樞密院事金純同知樞密院事孫碩王  
度並爲樞密院副使

二十二年春正月乙巳朔金遣將盪溫都說  
來賀生辰癸亥宴于大觀殿 二月癸巳平  
章事李奕筵卒 夏四月壬子命吏部尚書  
鄭國儉判秘書省事崔詵集書筵諸儒於寶  
文閣離校增續資治通鑑分送州縣雕印以



進分賜侍從儒臣 戊午賜孫希綽等及第

六月壬寅王如奉恩寺 甲寅金遣橫宣

使字朮魯至忠來 秋七月乙亥遣使如金

進方物壬午遣使賀天壽節庚寅遣使謝橫

宣 戊戌幸王輪寺 八月癸丑德寧公主

卒 壬戌太白經天 癸亥宋商來獻大平

御覽賜白金六十斤仍命崔詵校讎訛謬

九月庚午朔遣郎將金元義等二十餘人往

西都度畿內田 冬十月辛丑李義旼以



癸丑

史大夫王度起第於壽德宮傍劾罷朝野失  
望 丁卯幸妙通寺 己巳政堂文學致仕  
廉信若卒

二十三年春正月乙酉金遣禮部侍郎張汝  
猷來賀生辰丁亥宴于大觀殿 二月丁卯  
王如靈通寺 東南路按察副使金光濟討  
賊不克請遣京兵 三月乙酉平章事林氏  
庇卒 夏五月丁丑迎日縣獻瑪瑙 六月  
丙申朔王如奉恩寺 秋七月辛未遣使如



金進方物乙亥遣使賀天壽節時南賊蜂  
起其劇者金沙彌據雲門孝心據草田嘯聚  
亡命標掠州縣王聞而患之內子遣大將軍  
全存傑率將軍李至純李公靖金陟侯金慶  
夫盧植等討之是月太白晝見經天八  
月辛丑李公靖金慶夫等擊賊敗績甲辰  
減死刑十五人分配海島冬十月戊申平  
章事崔世輔卒甲寅設百高座道場於內  
殿飯僧三萬十一月壬申遣使如金謝賀



生辰又遣使賀正 乙酉以恭膺太后諱辰  
設齋于內殿自諸王侯伯兩府宰輔近衛之  
臣各獻餽饌諱辰群下供饌始此 丁亥王  
如靈通寺 壬辰以上將軍崔仁爲南路捉  
賊兵馬使大將軍高湧之都知兵馬事率將  
軍金存仁史良柱朴公襲白富公陳光卿往  
討之 十二月壬寅太白晝見經天 丁巳  
南賊魁得甫請闕請許安業命有司放還聽  
兵馬使區處



寅

二十四年春正月己卯金遣大理卿紇石烈  
珪來賀生辰辛巳宴于大觀殿 二月癸巳  
南賊魁金沙彌自投行營請降斬之 甲寅  
將軍史良柱擊南賊敗死 庚申左道兵馬  
使崔仁率銳卒數千擊賊至江陵城設伏以  
待賊至執一女問曰兵馬安在女曰在城中  
賊驚駭而退伏發追斬百五十級 三月丁  
丑門下侍郎平章事致仕閔令謨卒 壬午  
遣奉御柳澤如金進方物將軍權信賀天壽



節 夏四月戊戌南路兵馬使擊賊于密城  
楮田村斬獲七千餘級器械牛馬稱是 乙  
巳賜金君綏等及第 癸丑右道兵馬使擊  
賊擒斬四十級又連戰三日賊敗北 六月  
庚寅諫官奏旱暵日久亦由祈禱未早請治  
太史之罪王曰咎在寡人太史何罪勿問  
丁酉太史奏昔甲寅歲又旱仁考因太史之  
請以七事修省一曰治冤獄二曰賑饑寡孤  
獨三曰輕徭薄賦四曰進賢良五曰黜貪邪



六曰恤怨曠七曰減膳蓋今旱魃爲灾乾文  
屢變請依舊制側身修禱以答天心 戊戌  
親禱雨于妙通寺澍雨大降 秋八月丁酉  
南賊魁遣其黨李純等四人詣闕請降除純  
等隊正賜布遣還 甲辰減死囚十人杖脊  
配流 九月己未太史奏天文示儆尚矣今  
南方未靜國家未能討平臣竊寒心况我朝  
盛德在木方秋葉落變隨以生請慎之王命  
內外戒嚴 庚申門下侍郎平章事李光挺



卒 甲子叅知政事崔瑜貴引年乞退時人  
美之 冬十月丁酉南路兵馬使收賊妻孥  
三百五十餘人黥配西海道克諸城奴婢  
閏月乙亥有司奏左道兵馬使崔仁嘗自絀  
退不省一戰淹延歲月糜費不貲請罷治罪  
以左道兵馬使上將軍高湧之兼領之王曰  
賊亦民也奚多殺爲以恩服之可也有司固  
請從之 十二月己未太史奏曰頃來乾象  
多變意者天儆陛下歟宜惕然修省以答天



卯乙

戒不然禍且至矣王懼分遣使祈告  
南路兵馬使擒賊魁孝心 己卯以趙永仁  
守大尉上柱國孫碩叅知政事申寶至守司  
空左僕射李仁成同知樞密院事御史大夫  
柳公權同知樞密院事奇洪壽爲樞密院副  
使崔仁爲刑部尚書高湧之爲工部尚書文  
迪爲右散騎常侍 辛巳南路兵馬使高湧  
之班師王引見獎諭甚厚  
二十五年春正月癸卯金遼李敬義來賀生



辰

王聞永州延谷村有老嫗年百有四歲

子孫丁壯者共九十五人悉供徭役賜嫗穀

三十石 三月丙戌朔日食 丁亥親命題

試文臣詩賦金君綏爲魁大加稱賞 癸巳

詔曰比年旱災禾稼不稔而民不足食吏猶

徇私戶歛尤暴或以不急發郵所至侵擾又

勢家日益侵民妨農害穀朕甚憂之自今諸

道使臣等察吏臧否問民疾苦具狀以聞脫

有不勤則有司存 夏四月庚申中外賀天



兩

禧節太子受賀遂朝於王王問民間之語對  
曰人皆笑臣爲老太子王曰寡人之久生亦  
過也太子失色太子之意稱羨王之壽考然  
語涉疑諱故也 六月辛酉再雪 丁卯金  
橫宣使納蘭昉來庚午宴于大觀殿 秋八  
月戊辰減死囚十四人放流 冬十一月戊  
申仁宗出妃福昌院主李氏卒

二十六年春正月丁酉金遣賈益來賀生辰  
宴于大觀殿 二月丁卯京城地震 壬申



遣樞密院事李俊昌奉宣孝寺毅宗神御移  
安于佛住寺 三月己丑詔曰蓋聞君道得  
則風雨時否則反是近者歲不登稔飢饉荐  
臻今又以旱朕甚懼焉庶幾除苛政恤冤枉  
以答天譴惟爾有司体朕此意凡繫屬罪非  
殊死悉原之 夏四月戊午將軍崔忠獻誅  
李義旼 己卯以趙永仁權判吏部事柳得  
義權知吏部尚書白存儒爲大將軍崔忠粹  
崔光允並爲將軍朴晉材爲別將 六月壬



子以崔忠獻于承慶爲左右承宣 庚午以  
崔忠獻知御史臺事 秋七月丁亥賜趙挺  
規等及第 丙申政堂文學柳公權卒 八  
月戊申守司空左僕射申寶至卒 庚午改  
中和殿曰延康雲龍門曰天祐 壬申王自  
壽昌宮移御延慶宮自辛卯宮闕灾爲接金  
使先創康安大觀兩殿金使至則入御康安  
殿引見于大觀殿忌其新創未嘗留御禮畢  
即還御壽昌宮至是乃御延慶宮崔忠粹陳



兵兵曹之南及車駕將入廣化門觀者多從  
傍出忠粹遣人呵止觀者辟易亂觸太子儀  
仗人訛言變生輦下扈駕百官皆狼狽四散  
夾道士女交相踐蹂惟侍中杜景升按轡自  
若時人心洶洶危疑如此九月丁丑朔御  
儀鳳門赦冬十一月己丑設八關會王勅  
北界諸都領等觀樂麟州都領中郎將子冲  
見判閣門事王珪長揖不拜有司劾奏無禮  
王曰與藩民同樂寵之也而罪之可乎有司



再請允之。子冲初發本州，謂諸都領曰：「國家召吾輩，盖有指矣。吾入朝，欲以微事試之。如將罪我，是朝廷有人；否則，是畏我也。」甲午，移御壽昌宮。庚午，以門下侍中杜景升爲中書令。

二十七年春正月丙子，移御延慶宮。辛卯，金遣阿弗罕德剛來賀正辰。二月乙巳朔，日食。壬子夜，有人入大內，鑿利賓門外西步廊柱爲穴，數十武人曰：「此必東班蠱西也。」



相傳譁譟者甚衆東班無以自明獨大將軍  
于承慶曰此姦人陳文因以生事耳非東班  
爲之也衆口乃止 夏五月己酉賜房衍寶  
等及第 秋九月甲寅崔忠獻兄弟設醮以  
廢立事告天是夕大雷電兩雹旋風暴起拔  
興國寺南道傍樹木吹入獄中垣牆盡頽近  
獄新步廊十八間一時壞仆又吹過高達坂  
至賢聖寺多拔樹木 庚申大雷電 癸亥  
忠獻兄弟逼王單騎出向成門幽于昌樂宮



宋史  
卷一百一十五  
列傳第五十五  
盜賊  
曹盜

故太子瑋于江華島迎平涼公收立之以子  
淵爲太子神宗五年九月王患痢疾神宗遣  
中使請曰欲遣醫進藥誰其可者王曰我忝  
位二十八年壽七十二豈希延生遂不聽十  
一月戊午薨于昌樂宮謚曰光孝廟號明宗  
葬于長湍陵曰智陵高宗四十年加謚皇明  
史臣贊曰自鄭仲夫季義方義收等弑毅宗  
竊弄國柄爲明宗計者當誓心自強必欲討  
賊而後已若曰力不足則慶大升憤王室之



龍

微弱疾強臣之跋扈一朝舉義誅仲夫父子  
如獵狐兔而義旼奉首鼠竄假息卿閭此正  
任用賢良脩明紀綱復張王室之秋也王不  
能然溺於宴安其所施爲殊如平居無事之  
時若義旼者特一匹夫耳遣一介使數其弑  
君之罪誅而族之可也反加招置驟登爵位  
使之陵轢王室殺害朝臣賣官鬻獄濁亂朝  
政其禍慘矣崔忠獻乘釁以起而王反見放  
逐子孫不保自是權臣相繼執命王室之不



二十綴旒者幾百年嗚呼痛哉

是丁未五

里如沙而山哉  
松源如史為經  
本以物任之觀  
餘公考其

世家卷第二十

世家卷第二十

世家卷第二十

風



川天十大



